

鞞婆沙論

第十

四百二十
洛十

12605



聖圖
增輝
佛谷
輪常轉

山城州天安寺法金剛院置

藏書

三

鞞婆沙論卷第十

迦旃延子造 符秦罽賓三藏 僧伽跋澄 譯

四禪處第三十三

四禪者初禪二禪三禪四禪問曰四禪有何性答曰五陰是性此是禪性已種相身所有自然說性已當說行何以故說禪禪有何義

為棄結故禪耶為正觀故禪耶若棄結為禪者無色中亦有定謂能棄結若正觀為禪者欲界中亦有定謂能正觀作此論已有一說者棄結故名為禪問曰若棄結名為禪者無色中亦有定謂能棄結何以故不名為禪耶答曰謂棄二種結不善及無記彼名為禪無



色中定雖棄無記結非棄不善是故彼不名
為禪問曰若尔者應依未來名為禪彼棄二
種結不善及無記答曰此說訶責棄故此說
二種棄斷棄訶責棄彼依未來為欲界結故
二種棄斷棄訶責棄上地雖非斷棄但是訶
責棄是謂訶責棄故說問曰若尔者盡道法
智分一切未知智分不應是禪謂彼欲界結
亦非斷棄亦非訶責棄答曰莫具取界莫具
取地可得彼一界一地欲界結斷棄訶責棄
彼無色中一時頃不得謂此欲界結斷棄及
訶責棄尊者瞿沙說曰一切六地欲界結斷
棄亦訶責棄但彼依未來生已棄欲界結彼

餘地當何所棄彼亦能棄但無結可棄除如
一人有六怨家其謀議若隨所得處當斷其
命彼初怨家斷此人命餘者當何所斷彼亦
能斷但無人當何所斷如是一切六地欲界
結斷棄訶責棄但彼依未來生已棄欲界結
彼餘地當何所棄彼亦能棄但無結可棄如
人持六燈入冥室中彼初明已棄室冥燈
當何所棄彼亦能棄但無冥可棄如是一切
六地欲界結斷棄訶責棄但彼依未來生已
棄欲界結彼餘地當何所棄彼亦能棄但無
結可棄如一切日光壞諸闇冥初日中日西
日但初光出已棄夜闇冥餘光當何所棄彼

餘光亦能棄但無冥可棄如是彼一切六地
欲界結斷棄亦訶責棄但依未來生已棄欲
界結彼餘地當何所棄彼亦能但無結可棄
或曰禪者定可得謂一切緣中定亦棄一切
結欲界定雖一切緣中定但不棄結無色界
定亦不一切緣中定亦不棄一切結以是故
不名爲禪或曰謂禪者普智可得道亦能棄
結欲界定雖普智可得但無有道棄結無色
界雖有道能棄結但無普智可得謂禪中普
智可得道亦棄結或曰謂三道可得此名爲
禪非欲界無色界三道可得是故彼不名爲
禪或曰謂三地可得此名爲禪非欲界無色

界三地可得是故不名為禪或曰謂三根可得此名為禪非欲界無色界三根可得是故不名為禪或曰謂三學可得增戒增定增慧此名為禪非欲界無色界三學可得是故不名為禪或曰謂攝四支五支五陰定可得此名為禪非欲界無色界攝四支五支五陰定可得是故不名為禪或曰謂三示現可得神足示現觀察示現教授示現此名為禪非欲界無色界三示現可得是故不名為禪或曰謂三神足可得意解神足意捷疾神足身涌神足意解神足者如力士屈伸臂頃於中間至阿迦尼吒意捷疾神足者如識旋轉諸界於中間至阿迦尼吒身涌神足者謂一切身涌如鳥飛

虛空如畫人飛此名爲禪非欲界無色界三
神足可得是故不名爲禪或曰謂具三十七
道品可得彼名爲禪非欲界無色界具三十
七道品可得是故不名爲禪更有說者正觀
故名爲禪問曰若正觀名爲禪者欲界中亦
有定謂能正觀何以故不名爲禪荅曰欲界
定雖有定名但無定用如泥梁雖有梁名無
有梁用如是欲界定雖有定名而無定用色
界定既有定名而有定用如木梁既有梁名
而有梁用如是色界定既有定名而有定用
或曰欲界定燒亂不定如四衢道然燈四面
風吹隨風東西如是欲界定燒亂不定色界

定不燒亂常定不動如室中燈風所不吹炎
不東西如是色界定亦不燒亂常定不動或
曰欲界定不堅無力無士夫功色界定堅固
有力有士夫功以是故此名爲禪說曰此名
禪十八支初禪有五支覺觀喜樂一心二禪
有四支內淨喜樂一心三禪有五支猗樂念
正智一心四禪有四支不苦不樂護念一心
問曰禪支名十八種有幾荅曰禪支名十八
種有十一謂初禪五支此名亦五種亦五二
禪增一支信三禪三支增樂念正智四禪增
二支不苦不樂護此禪支名十八種有十一
更有說者禪支名十八種有十問曰何以故

荅曰謂初禪二禪樂及三禪樂此應同共立
一支此者不論問曰何以故荅曰謂初禪二
禪樂此是三禪樂者應有禪支名十八種有
十但初禪二禪樂異三禪樂亦異初禪二禪
猗樂三禪痛樂初禪二禪樂行陰所攝三禪
樂痛陰所攝是謂禪支名十八種有十一如
名如種如是名數種數名相種相名異種異
名別種別名覺種覺名如是盡當知此是禪
性已種相身所有自然說性已當說行何以
故說禪支禪支有何義荅曰順義是支義助
行義是支義攝義是支義順義是支義者謂
彼地定支隨順即立彼地中助行義是支義

者此支斷結除結時助彼定行攝義是支義
者此支斷結除結時出入揔攝是謂順義助
行義攝義是支義此應作四句問曰謂禪支
是道品耶答曰初禪有覺二禪信三禪樂四禪不苦不樂
此禪支非道品云何道品非禪支答曰精進正語正業正命
是道品非禪支云何禪支亦道品答曰餘支此是禪支亦
道品云何非禪支亦非道品耶答曰除此行
已問曰謂初禪支亦是道品耶答曰或初禪
支非道品云何初禪支非道品答曰初禪有
覺此是初禪支非道品云何道品非初禪支
答曰信念精進護正見正語正業正命此是
道品非初禪支云何初禪支亦道品答曰餘

支此是初禪支亦道品云何非初禪支亦非
道品除此行已問曰謂二禪支是道品耶答
曰或二禪支非道品云何二禪支非道品答
曰二禪信此是二禪支非道品云何道品非
二禪支答曰信念精進護正見正志正語正
業正命此是道品非二禪支云何二禪支亦
道品答曰餘支此是二禪支亦道品云何非
二禪支亦非道品答曰除此行已問曰謂三
禪支是道品耶答曰或三禪支非道品云何
三禪支非道品答曰三禪樂是三禪枝非道
品云何道品非三禪支答曰信精進喜護正
志正語正業正命此是道品非三禪支云何

是三禪支亦道品。答曰：餘支此是三禪支亦道品。云何非三禪支亦非道品？答曰：除此行已。問曰：謂四禪支亦是道品耶？答曰：或四禪支非道品。云何四禪支非道品？答曰：四禪不苦不樂。此是四禪支非道品。云何道品非四禪支？答曰：信精進喜猗正見正志正語正業。正命。此是道品。非四禪支。云何是四禪支亦道品？答曰：餘支。此是四禪支亦道品。云何非四禪支亦非道品？答曰：除此行已。問曰：謂禪支是意止耶？答曰：或禪支非意止。云何禪支非意止？答曰：初禪有覺。二禪信。三禪樂。四禪不苦不樂。此是禪支非意止。云何意止非禪

支答曰信精進正語正業正命此是意止非禪支云何禪支
亦意止答曰餘支此是禪支亦意止云何非禪支亦非意止
答曰除此行已如四意止意斷神足根力覺道亦如是問曰
謂初禪支是意止耶答曰或初禪支非意止
云何初禪支非意止答曰有覺此是初禪支
非意止云何意止非初禪支答曰信念精進
護正見正語正業正命此是意止非初禪支
云何初禪支亦意止答曰餘支此是初禪支
亦意止云何非初禪支亦非意止答曰除此
行已問曰謂二禪支是意止耶答曰或二禪
支非意止云何二禪支非意止答曰二禪信
此是二禪支非意止云何意止非二禪支答

曰信念精進護正見正志正語正業正命此
是意止非二禪支云何二禪支亦意止。答曰
餘支此是二禪支亦意止云何非二禪支亦
非意止。答曰除此行已問曰謂三禪支是意
止耶。答曰三禪樂是三禪支非意止云何意
止非三禪支。答曰信精進喜護正見正志正
語正業正命此是意止非三禪支云何是正
禪支亦意止。答曰餘支此是三禪支亦意止
云何非三禪支非意止。答曰除此行已問曰
謂四禪支亦是意止耶。答曰或四禪支非意
止云何四禪支非意止。答曰四禪不苦不樂
此是四禪支非意止云何意止非四禪支。答

曰信精進喜猗正見正志正語正業正命此
是意止非四禪支云何是四禪支亦是意止
荅曰餘支此是四禪支亦是意止云何非四
禪支亦非意止荅曰除此行已如四意止四
意斷神足根力覺道亦如是問曰謂初禪支
亦是二禪支耶荅曰或初禪支非二禪支云
何初禪支非二禪支荅曰初禪有覺有觀此
是初禪支非二禪支云何二禪支非初禪支
荅曰二禪信此是二禪支非初禪支云何初
禪支亦二禪支荅曰餘支此是初禪支亦二
禪支云何非初禪支亦非二禪支荅曰除此
行已問曰謂初禪支是三禪支耶荅曰或初

禪支非三禪支云何初禪支非三禪支答曰
初禪三支有覺有觀喜此是初禪支非三禪
支云何三禪支非初禪支答曰三禪三支樂
念正智此是三禪支非初禪支云何初禪支
亦是三禪支答曰餘支此是初禪支亦三禪
支云何非初禪支亦非三禪支答曰除此行
已問曰謂初禪支是四禪支耶答曰或初禪
支非四禪支云何初禪支非四禪支答曰初
禪有四支有覺有觀喜樂此是初禪支非四
禪支云何四禪支非初禪支答曰四禪有三
支不苦不樂護念此是四禪支非初禪支云
何初禪支亦四禪支答曰一心此是初禪支

亦是四禪支云何非初禪支亦非四禪支耶
曰除此行已問曰謂二禪支亦三禪支耶
曰或二禪支非三禪支云何二禪支非三禪
支荅曰二禪有二支信喜此是二禪支非三
禪支云何三禪支非二禪支荅曰三禪有三
支樂念正智此是三禪支非二禪支云何二
禪支亦是三禪支荅曰餘支此是二禪支亦
三禪支云何非二禪支亦非三禪支荅曰除
此行已問曰謂二禪支是四禪支耶荅曰或
二禪支非四禪支云何二禪支非四禪支荅
曰二禪三支信喜樂此是二禪支非是四禪
支云何是四禪支非二禪支荅曰四禪有三

支不苦不樂護念。此是四禪支。非二禪支云。
何二禪支。亦四禪支。荅曰。一心。此是二禪支。
亦四禪支。云何非二禪支。亦非四禪支。荅曰。
除此行已。問曰。謂三禪支。是四禪支耶。荅曰。
或三禪支。非四禪支。云何三禪支。非四禪支。
荅曰。三禪有三支。猗樂正智。此是三種支。非。
四禪支。云何四禪支。非三禪支。荅曰。四禪二。
支。不苦不樂護。此是四禪支。非三禪支。云何。
是三禪支。亦四禪支。荅曰。餘支。此是三禪支。
亦四禪支。云何非三禪支。亦非四禪支。荅曰。
除此行已。問曰。初禪有覺。何以故不立道品。
荅曰。觀壞。故問曰。二禪信。何以故不立道品。

荅曰二禪信者緣內心道品者緣四諦問曰
三禪樂何以故不立道品荅曰猗樂壞故問
曰四禪不苦不樂何以故不立道品荅曰護
壞故問曰精進何以故不立禪支荅曰此前
已說順義是支義此精進防定隨順問曰何謂
定隨順荅曰樂是如所說樂已心定謂衆生
慙懃精進彼少受樂問曰正語正業正命何
以故不立禪支荅曰禪支者相應依行己力
共緣正語正業正命者不相應不依無行無
己力不共緣問曰何以故初禪三禪五支二
禪四禪四支荅曰前已說順義是支義謂法
諸地隨順彼定此立支或曰起隨順從五支

至五支從四支至四支問曰謂三禪次第入
空觀彼從五支起入無支何得隨順荅曰一
切內外事要當初用隨順說者月德王及遮
勒大臣十二年學成就一金丸然後師子吼
我等能化令一切地爲金復次如彼行者謂
神足智作證成神通時始習初如胡麻便一
寸四寸一尺二尺半尋一尋一丈丈五丈
謂神足智作證成神通已一發意乃至阿迦
貳吒如是彼行者入超越時要當初用隨順
行從五支至五支從四支至四支以故尔或
曰此欲界難可斷難可破難可度因彼故初
禪立五支禪非難可斷非難可破易可度是

故二禪立四支二禪染汚喜難可斷難可破
難可度因彼故三禪立五支三禪非難可斷
非難可破非難可度以是故四禪立四支或
曰此欲界五欲可得因彼故初禪立五支初
禪無五欲可得爲彼故二禪立四支二禪五
種喜相應愛可得因彼故三禪立五支三禪
無五種喜相應愛可得因彼故四禪立四支
以是故初禪三禪立五支二禪四禪立四支
問曰如初禪信可得何以故信立二禪支不
立初禪荅曰前已說順義是支義謂法諸地
隨順定此立支或曰謂處彼行者極信界棄
欲極信地棄欲謂彼行者此欲界多諸惡除

欲已便作是念我已度此不定界此定界不知當云何度如初禪已除欲彼意極定作是念此一切可離從欲界至第一有謂處彼行者極信界棄欲極信地棄欲以是故信立二禪支不立初禪支問曰如猗一切地可得何以故立三禪支答曰此前已說謂法諸地隨順定此立支或曰二禪染污愛不定如羅刹種可得謂彼行者三禪地退出尊說應止彼以是故猗立三禪支餘地不立問曰如猗及護一切地可得何以故猗立三禪支護立四禪支護四禪支答曰相壞故猗壞護故不立三禪支護壞猗故不立四禪支問曰云何此法相壞答

曰猗者能止護者不求此極相違如諸人去
任眼覺此極相違如是猗者能止護者不求
此極相違是謂相壞故猗立三禪支護立四
禪支問曰如念及正智四禪可得何以故念
立四禪支正智不立四禪支答曰三禪道燒
亂自地亦燒亂道燒亂者二禪地染汚喜不定
如羅刹謂令行者三禪退世尊說當正念莫令
二禪地喜地喜於三禪地退已地亂者彼三禪
地樂一切生死中最妙世尊說當知莫著此
樂令不至上地四禪雖有道燒亂但無已地
燒亂道燒亂者彼三禪中樂一切生死中最
妙世尊說當正念莫著此三禪地樂令於四

禪地退謂己地無燒亂可說正智莫著令不能至上地以具故念及正智立三禪支四禪立念支不立正智問曰此中云何說禪云何支答曰禪者定也支者餘法也問曰如汝說應初禪三禪有四支二禪四禪有三支答曰定者亦是禪亦是禪支餘支雖是禪支非是禪如正見是道亦是道支餘者雖是道支非是道擇法覺意是覺支餘者雖是覺支非覺定是神亦是神足餘雖神足非神非時不食是齋亦是齋支餘雖是齋支非是齋如是定是禪亦是禪支餘雖是禪支非是禪如世尊契經說四禪現法安樂遊處問曰何以

故世尊說四禪現法安樂遊處。答曰：凡夫現法意計著樂意，不捨離欲界欲，令勸離欲界。結故世尊說契經：謂彼著少所樂，不欲棄欲界。結世尊說若欲極廣受無量樂者，當棄欲界。結根本地現在前，彼中無量樂可得。是謂凡夫現法意計著樂意，不捨離欲界欲，令勸離欲界。結故世尊說契經：四禪現法安樂遊處。問曰：如此後世安樂遊處，何以故世尊說現法安樂遊處？不說後世安樂遊處。答曰：此應說如現法安樂遊處。後世安樂處亦當說。若未說者，是世尊有餘言。此現義義門義略義。度當知是義。或曰：已說現法安樂遊處，當知。

已說後世安樂遊處或曰現法安樂遊處是
因後世安樂遊處是果如因果已作當作已
成當成已生當生已連續當連續如是盡當
知或曰現法安樂遊處者是近後世安樂遊
處者是遠或曰現法安樂遊處者是鹿後世
安樂遊處者是細如鹿及細如是可見不可
見可現不可現如是盡當知或曰謂一切現
法安樂遊處非一切後世安樂遊處或曰謂
現法安樂遊處者一切聖後世安樂遊處者
非一切聖或曰謂一切可信凡夫及慧者此
法及外法或有不信後世何況信後世安樂
遊處以是故佛如經說四禪現法安樂遊處

如世尊契經說曰。禪爲食。問曰。何以故。世尊
說四禪爲食。答曰。長養法身故。如飲食長
養衆生。如是禪長養法身。是謂世尊契經說
四禪爲食。如世尊契經說四禪爲座。問曰。何
以故。世尊說四禪爲座。答曰。爲高廣故。高者
出欲界故。廣者攝無量善法故。問曰。何以故
名爲座。答曰。諸聖生死疲勞。除生死疲勞。故
說四禪爲座。如人涉路疲極。坐休息。如是諸
聖生死疲勞。坐禪休息。已除生死疲勞。以是
故。佛契經說四禪爲座。如世尊契經說四禪
爲四功德。四無色爲一功德。問曰。何以故。世
尊說四禪爲四功德。說四無色爲一功德。答

曰禪者種種若干相非相似是故可得一一
功德無色者非種種非若干相非不相似是
故一切合已說一功德或曰禪者種種功德
莊嚴是故一切合已說一功德或曰禪者多
有妙法是故一一說功德無色者無多妙法
是故一切合已說一功德或曰禪者麁可見
可現是故說一一功德無色者細不可見難
可現是故一切合已說一功德以是故佛契
經說四禪爲四功德四無色爲一功德如世
尊契經說未那此四增心現法安樂遊處比
丘禪起已我說當還入未那此四息解脫度
色至無色比丘禪起已我說當教他問曰何

以故佛世尊說四禪起已當還入說四無色起已當教他答曰此禪者種種若干相非相似是故彼聖起已還復欲入無色者非種種非若干相非不相似是故聖起已不欲還入世尊說若不欲入者當教他教他已謂彼心入心起不令忘或曰禪者種種功德莊嚴是故聖起已復欲還入無色者非種種功德莊嚴是故聖起已不欲入世尊說若不欲入者當教他教他已謂彼心入心起不令忘或曰禪者多妙法是故聖起已還復欲入無色者無多妙法是故聖起已不欲還入世尊說若不欲入者當教他教他已謂彼心入心起不

令忘或曰禪者鹿可見是故彼聖起已復欲
還入無色者細不可見難可現是故彼聖起
已不欲還入世尊說若不欲還入者當教他
教他已謂彼心入心起不欲令忘是故佛世
尊說四禪起已當還入如世尊契經說四禪
增意問曰何以故世尊說四禪增意答曰一
切地無有定極堅有力有功如根本地以是
故佛契經說四禪增意或曰此中可得增上
心心數法如無量等解脫除入一切入以是
故佛說四禪增意或曰諸聖於此中增上門
受樂如無量等門解脫除入一切入門是故
說四禪增意如世尊契經說四禪是天諸天

道未淨衆生當淨已淨當增益淨問曰此爲
取證故說四禪天道跡耶爲有漏盡耶若取
證故說四禪天道者應六地取證依未來禪
中間根本四禪若有漏盡者應九地盡有漏
此六及三無色作此論已答曰爲取證故亦
有漏盡故說四禪天道問曰若尔者置無色
故應在六地何以故卍尊說四禪諸天天道
尊者瞿沙說曰具眷屬故卍尊契經說四禪
天道依未來禪中間是初禪眷屬是謂具眷
屬故卍尊說四禪諸天天道尊者波奢說曰
此說天是淨天天者三種天作天生天淨天
作天者如主生天亦從四天王至有想無想

處淨天者如阿羅漢阿羅漢者此中得三種
道見道及思惟道忍道及智道法智道及未
知智道是故說天淨天或曰謂道及娛樂道
謂道及至竟道謂道及淨天道以故尔或曰
佛法中現大妙事故如彼施設所說謂轉輪
王未出世時大海水出高一由延謂不知轉
輪王道是故無能行轉輪王道謂轉輪王出
世已彼時大海水還減一由延轉輪王道
便淨金沙布下令轉輪王將四種兵案行天
下如是佛出世尊未出世時不知根本四禪謂
衆生欲除結非根本及無色謂出世尊出世已
便知根本四禪謂佛教化無量眷屬入滅盡

涅槃是謂佛法中現大妙事故說四禪諸天
天道或曰計著生天道現第一義天道故生
天者三十三天說者三十三天有四園觀一
名種種二名觀樂三名麗澀四名雜肆彼園
觀中地四階道多諸男女玉女衆遊戲有種
種香種種伎樂生種種華種種飲食餽饌豐
盈種種飛鳥鳧鷹鴛鴦悲鳴相和令三十三
天無量門無量度受五欲樂已入園觀中如
是佛法中滅盡涅槃如四園觀彼中設四禪
如四階道無礙道解脫道如多諸男女神通
道如玉女衆遊戲聖戒種種如香四支五支
樂如種種伎樂覺道華如生種種華無欲喜

無上法漿如種種飲食餚饌豐盈學無學如
種種飛鳥鳧鴈鴛鴦悲鳴相和令彼聖無量
門無量度受聖樂入滅盡涅槃如園觀是謂
計著生天道現第一義故世尊說四禪諸天
天道未淨衆生當淨已淨增益淨云何爲四
此比近離欲惡不善法有覺有觀離生喜樂
初禪成行遊處彼離欲惡不善法者問曰如
離一切欲界何以故世尊但說離欲惡不善
法答曰世尊已說離欲惡不善法當知已說
離一切欲界或曰謂欲惡不善法難壞難破
難度是故世尊說當離欲惡不善法或曰謂
欲惡不善法增上患極重過多諸惡是故世

尊說當離欲惡不善法或曰謂始盡已不復
成就聖道與彼相違聖道者不與善有漏法
相違非隱沒無記但與欲惡不善法相違當
棄欲惡不善法時彼棄一切如燈不與炷相
違非油非燈器但與闇冥相違當除闇時亦
燒炷亦消油亦熱器如是彼聖道燈不與善
有漏法相違亦非隱沒無記但與欲惡不善
法相違當棄欲惡不善法時彼棄一切是謂
始盡已不復成就聖道與彼相違以是故世
尊說離欲惡不善法或曰謂彼行者欲斷欲
惡不善法故修初禪地道以是故世尊說棄
欲惡不善法或曰謂彼行者離欲惡不善法

時離一切欲界是故世尊說離欲惡不善法或曰謂欲惡不善法非上行上不
可得以是故世尊說離欲惡不善法問
曰離欲惡不善法者何者欲何者惡不
善法答曰欲者五欲惡不善法者婬欲
或曰欲者欲想惡不善法者恚想害想
或曰欲者欲覺惡不善法者恚覺害覺或
曰欲者欲有漏惡不善法者餘有漏或曰
欲者欲流惡不善法者餘流或曰欲者欲
軀惡不善法者餘軀或曰欲者欲愛惡不善
法者餘愛或曰欲者欲蓋惡不善法者餘蓋
或曰欲者現欲愛惡不善法者即是愛謂彼

是不善因此愛故說離惡不善法是謂欲是
謂惡不善法是故說離欲惡不善法有覺有
觀者與覺俱與觀俱是故說有覺有觀離生
喜樂者離惡法中生如從水生名為水生從
陸生名為陸生如是離惡法中生是故說離
生喜樂問曰如上地離為最上妙何以故說
初禪地離不說餘答曰始得故初得故是故
說初禪離或曰疑者現決定初禪此欲界極
近為近故如此欲界設豪貴處眷屬處初禪
亦亦如此欲界身識現在前初禪亦亦如此
欲界有覺有觀初禪亦亦如此欲界出息入
息初禪亦亦莫令作是念彼非是離欲決定

故說彼初禪離或曰令彼行心歡喜故如彼
行者此欲界多諸惡除欲已初禪現在前已
心極歡喜非復得盡智無生智或曰除苦根
憂根故除無慙無愧故除搏食婬愛故世尊
說初禪地離或曰謂初禪地離已地中三無
漏地圍遶或曰謂初禪地離上地離依方便
門或曰謂依初禪三行者取證得果無欲有
漏盡一具縛二倍棄欲三棄婬欲以故尔或
曰謂初禪具三十七品可得以是故初禪爲
離是故說離生喜樂初禪者次第數爲初順
次數爲初復次次第順正受是故說初成就
遊處者謂此中善五陰到得成就是故說成

就遊處復次比丘有覺有觀息內淨一心無
覺無觀定生喜樂二禪成就遊處彼有覺有
觀息者有覺有觀已盡故問曰如是息一切
初禪者何以故但說息有覺有觀答曰已說
有覺有觀息當知已說一切初禪數息或曰
謂有覺有觀難可斷難可破難可度以是故
余或曰謂彼行者斷有覺有觀故修二禪地
道以故余或曰謂彼行者息有覺有觀一切
初禪息以故余或曰謂有覺有觀非上行上
不可得世尊說當慙息以故余是故說有
覺有觀息內淨者內者心淨者信以彼信令
心淨是故說內淨尊者婆須蜜說曰內淨有

何義荅曰有覺有觀心定時生濁有覺有觀
息已便心淨如器中盛水若熱沸濁不定不
見面像若水清涼不沸濁便定見面像如是
有覺有觀心定時生濁有覺有觀息已便心
淨重說曰有覺有觀心定時生調有覺有觀
息已心便淨如水波涌息已水便清如是有
覺有觀心定時生調有覺有觀息已心便淨
是故說內淨一心者欲界六重意六識身初
禪四重意四識身二禪一重意一識身獨意
地是故說一心無覺無觀者非覺觀俱是故
說無覺無觀定生喜樂者初禪地定中生是
故說定生喜樂問曰如初禪有定何以故說

二禪地定。答曰：初禪地定，故說二禪地定。或曰：謂二禪地定，從初禪定中生。從初禪定中來，從初禪定長養。從初禪定所轉。或曰：初禪此欲界極近極近，故知此欲界設豪華處。眷屬處，初禪亦尔如此。欲界身識現在前，初禪亦尔如此。欲界有覺有觀，初禪亦尔如此。欲界出息入息，初禪亦尔。初禪此所嬈亂不定。二禪無此嬈亂，彼定而定。或曰：謂二禪離聲根本聲根本者，是有覺有觀，如所說居士覺觀。已然後言說，謂二禪離聲根本，以故尔。或曰：謂二禪說賢聖默然，如所說比丘賢聖默然者。二禪是謂二禪賢聖默然，以故尔。是

故說定生離喜樂二者禪次第數便有二
順次數有二復次次第順正受是故說二成
就遊處者謂二禪地善五陰到得成就是故
說成就遊處

復次比丘離喜欲無求遊念住正智覺受身
樂謂彼聖說捨念安樂遊處三禪成就遊
處彼離喜欲者已斷二禪喜故問曰如離一
切二禪欲者何以故但說離喜答曰已說離
喜欲當知已說離一切二禪欲或曰謂喜盛
患極重過多諸惡以故尔或曰謂彼行者斷
喜故修三禪道以故尔或曰謂彼行者離喜
離一切二禪以故尔或曰謂喜非上行上不

可得世尊說當慙離以故。亦是故說離喜
欲無遊者。已得三禪樂不餘求念住者護
三禪樂故。正智者覺三禪樂受身樂者自覺
二種樂。猗樂痛樂。謂彼聖說捨者說者教他
捨者已放捨。問曰如聖一切地教他已亦放
捨。何以故。但說三禪。答曰。謂三禪道有媯亂
已地。亦有媯亂。道有媯亂者。二禪是於中。淫
汚喜媯亂。如羅刹種。令彼行者。三禪退。此是
道媯亂已地。媯亂者。三禪地一切生死最妙
樂。是謂已地。亂彼聖教初修行者。當正念住
莫令二禪地喜於三禪地。退此亦應正覺。莫
於中著樂。令不至上地。如彼商人主彼教初

行商人某方有姪家某處有戲家某許有酒
家莫入彼家令失錢財如是聖教初修行者
當正念住莫令二禪地喜於三禪地退此亦
應正覺莫於中著樂令不至上地以是故彼
聖三禪說及捨是故說謂聖說捨念安樂遊
處三禪者次第數便有三順次數有三復心
次第順正受便有三是故說念安樂遊處三
禪成就遊處者謂三禪地善五陰到得成就
是故說成就遊處復次比丘樂斷苦斷前憂
喜已沒不苦不樂護念淨四禪成就遊處彼
樂斷苦斷者問曰如除欲界結時苦盡已三
禪除結樂已盡何以故三禪除結時說苦盡

谷曰本已斷斷爲名如已解脫解脫爲名如
所說彼如是知如是見欲有漏心解脫有有
漏無明有漏心解脫如已來來爲名如所說
大王從何所來當尔時非是來彼已來也
已取證證爲名如所說菩薩於正受中取證時
得等智如來得盡智無生智時於欲得無欲
無恙無愚癡善根本已盡盡爲名已正受正受
爲名如所說云何念入慈正受谷曰欲今衆
生生樂已痛痛爲名如所說彼覺樂痛痛時知
樂痛如是前已斷斷爲名或曰二俱永滅故
說二俱者樂根苦根欲界除欲時雖有參差
未來永滅彼三禪除欲時永滅是二俱永滅故

說或曰彼三禪樂說是苦謂彼是無常如世
尊契經說比丘謂無常即是苦或曰彼三禪
樂痛說如苦如佛契經說比丘樂痛當觀如
苦苦痛當觀如刺不苦不樂痛當觀如毒蛇
或曰此出息入息說是苦彼聖極有苦想非
凡失地獄苦想是故說樂斷苦斷前憂喜已
沒者欲界除欲時憂已盡二禪除欲時喜已
盡是故說前憂喜已沒不苦不樂者已除苦
樂故護者出息入息斷不欲求餘念淨者八
事念淨故問曰如一切下地無漏念清淨何
以故但說四禪念清淨答曰念離結煩惱故
有念離結不離煩惱有離結不離結有離

結亦離煩惱有不離結亦不離煩惱離結不
離煩惱者三禪無漏念離煩惱不離結者四
禪世俗念離結離煩惱者四禪無漏念不離
結亦不離煩惱者三禪世俗念及欲界念是
謂念離結煩惱故說四禪念清淨或曰念不
失不壞故三禪成敗所及謂彼所依念亦壞
彼四禪一切成敗所不及謂彼所依念亦不
壞是謂念不失不壞故說四禪念清淨或曰
念離內外燒亂故初禪內有燒亂覺觀如火
如此內有燒亂外燒亂亦及火所燒二禪內
有燒亂者喜如水如此內燒亂外燒亂亦及
水所漬溺三禪內有燒亂者出息入息如刀

風如此內燒亂外燒亂亦及風所吹四禪內
無燒亂如此內無燒亂外燒亂亦不及是謂
念離內外燒亂故或曰謂四禪依中猶如齋
上三無漏地下亦三無漏地謂四禪依中如齋
以故尔或曰謂依四禪三行者取證得果除
欲有漏盡佛辟支佛聲聞以故尔或曰謂四
禪是不移動普知依度無極一切依最妙地
以故尔或曰世尊為身清淨故說依清淨四
禪中身清淨輕如燈炎謂所依念亦清淨是
謂世尊為身清淨故說依亦清淨或曰謂四
禪智邊智上智源或曰謂四禪四大邊色邊
造色邊處所邊以故尔或曰謂四禪二廣處

所廣善根廣以是故說四禪念清淨四禪者
次第數便有四順次數有四復次次第正受
便有四是故說四禪成就遊處者謂四禪善
五陰到得成就是以說成就遊處謂世尊契
經說四禪究竟道初禪廣說已說曰梵志此
說名如來盡根如來所行如來所服彼不以
為究竟是如來無所著等正覺如是二禪三
禪四禪廣說已說曰梵志此說如來盡根如
來所行如來所服彼以為究竟是如來無所
著等正覺問曰何以故世尊捨三禪施設四
禪究竟道答曰此是佛世尊為己故說彼梵
志聞一切恒沙三耶三佛依四禪成無上最

正覺梵志作是念若沙門瞿曇施設四禪究竟道者沙門瞿曇應有一切智一切見若沙門瞿曇不施設四禪究竟道者沙門瞿曇非一切智非一切見於是彼梵志至世尊所到已面相慰勞面相慰勞已却坐一面彼梵志坐一面已白世尊曰唯瞿曇我欲有所問聽我所問世尊告曰當問恣所問如是說已白世尊曰唯瞿曇說究竟道云何究竟道云何沙門瞿曇施設究竟道世尊爲廣說三禪已說曰是謂梵志如來盡根如來所行如來所服彼不以爲究竟是如來無所著等正覺四禪廣說已說曰梵志此說如來盡根如來所

行如來所服彼以爲究竟是如來無所著等
正覺彼梵志聞已意得定沙門瞿曇真實一
切智一切見以是故四禪說究竟道問曰何
以故名如來盡根荅曰智故得故如大象於
春時見多青草也彼跳象衆入池中食藕根
彼見已歡喜以牙掘地掘地已安足如是世
尊四禪地護行已掘諸法地安智足是謂智
故得故說如來盡根彼如來盡根者立止故
說如來所行者立觀故說如來所服者立止
觀故說如佛契經說四禪安樂遊處荅曰根
本地易成佛契經說安樂遊處非根本地及
無色難成故佛不說安樂遊處問曰云何此

地難成。答曰：彼行者欲解行結所縛，依未來現在前，彼一向苦、一向遲，如人堅反縛兩手，欲令還自解。彼一向苦、一向遲，如具彼行者欲界行結所縛，依未來現在前，一向苦、一向遲，或有行者觀不淨、惡露，或安般，謂觀不淨者，彼或十年或十二年，觀白骨，或成此定，或不成，謂數出入息。彼或十年或二十年，數息已，或成此定，或不成，謂成此定已，除欲界結不極，懃初禪現在前，彼初禪，謂禪中間現在前，一向苦、一向遲，彼一地餘滅，心心數法餘心心數法現在前，滅麤已微，現在前，覺俱滅已，觀俱現在前，如人以木破木，以石破石，彼

一向苦一向遲如是行者彼一地中餘心心
數法滅已餘心心數法現在前滅麁已微現
在前覺俱滅已觀俱現在前是一向苦一向
遲謂初禪除欲已不勤二禪現在前二禪除
欲已不勤三禪現在前三禪除欲已不勤四
禪現在前問曰謂四禪除欲已空處現在前
有以故此地難成故曰無色微難覺不可見
或有不信無色如彼契經彼居士至尊者阿
難所說曰尊者阿難我本聞無色已如臨深
去何衆生名無色是謂根本地易成故佛契
經說安樂遊處非根本地及無色難成故佛
不說安樂遊處或曰謂不勤求除欲可得如

二人乘馬一乘不調一乘極調謂乘不調者
彼極勤御謂乘調者彼不極勤御如是多有
衆生除欲或非根本及色或根本地謂非根
本及無色者彼一向勤求行道謂根本地者
彼不一向勤求行道以是故說根本地安樂
遊處或曰謂攝四枝五枝定可得問曰非根

本地及無色有枝耶無枝耶若有者何以故
根本地說枝餘不說若無者此施設所說去
何通彼中說頗有空處最妙定最妙地枝可
得耶荅曰有如從空處起次第入空處作此
論已有一說者非根本地及無色有枝問曰
若有者何以不說荅曰應說謂初禪五枝除

喜已增不苦不樂此五枝說初禪邊謂二禪
有四枝除喜增不苦不樂此枝說三禪邊謂
四禪有四枝彼四禪邊亦無色定更有說者
根本地有支餘者無支問曰若根本地有支
餘者無支者是故此中不說施設云何通答
曰彼中說覺支道支彼是支如是說者根本
地有支餘者無支或曰謂樂修道可得如二
人俱趣一方一從水道二從陸道雖同至一
方但水道者樂非陸道如是多有衆生除欲
或非根本地及無色或根本地雖至一處無
餘涅槃界但彼根本者樂非餘或曰謂根本
地現在前時一切身四大現在前非根本地

及無色現在前時心邊四大現在前更有說者非根本及無色現在前時一切身四大現在前但生樂不如根本地如二人池水浴一在岸上一入池中浴水俱除垢誰者為樂謂池中者如是雖非根本地及無色現在前時一切身四大現在前但彼樂不如根本地以故亦或曰謂二種樂可得外及內外樂者謂從禪起入非本地及無色內樂者謂從禪起還入禪謂二種樂可得以故亦或曰二種樂可得猗樂及痛樂三禪有二種樂四禪雖無痛樂但猗樂極妙非彼二種謂二種樂可得以故亦或曰謂二法等行精進及止雖一

切地增精進但因定力根本地精進及止等
行以故亦或曰謂無恚樂極廣大可得如所
說謂此中無恚此是極樂以故亦或曰謂樂
出要道可得如多有人度河或以材浮囊草
束或極大舩彼雖俱度河但乘舩度者爲樂
如是多有衆生除欲或非根本地及無色或
根本地彼雖同度至涅槃但彼根本樂出要
至涅槃非餘地以是故佛契經說四禪安樂
遊處廣說四禪處盡

鞞婆沙論卷第十

洛

銷錄

上
反



反的戀下

跳反月

趾鳧

一 二 鴈

躑同浮上

也音音

條炗

往音

梳

作音

軛

亦

漬

溺

反上

下在

每

